


懷遠縣志



中華民國十七年十一月重印

陝西懷遠縣志

王穰題

敘

懷遠之有志也自蘇君燮堂始山川風土規模猶具然事屬草創
率多簡畧且自蘇君至今將屆百年其中所當增益者正後不少
此創之者所貴乎因之者之繼其後也何保如明府以名進士作
宰斯邑有心於續增斯志也久之乃公餘之暇悉心編纂補其缺
畧益其遺漏或附攷於後或新增於中燦然具備較之舊志炳蔚
可觀豈非善於因者歟予因是有感矣懷遠僻處邊隅於明為堡
屬榆林衛中路屢遭兵燹居民不靖至我

朝承平日久中外一家自雍正九年始改為縣迄今居土著者計
七百九十六村居伙盤者計四百七十九村戶口頗庶而民風醇
朴於五屬為最厚非

懷遠縣志

卷一

聖天子德化之盛何以致此惜乎僻陋之壤其民貧而少文也是
又在司牧者優游涵濡俾耕作之戶知所蓋藏佔畢之儒勤於講
貫庶几富教之隆於斯邑見焉是則予之所厚望也夫道光二十
二年壬寅歲孟春月

賜進士出身

誥授朝議大夫知榆林府事前翰林院編修吏科給事中隨帶加
二級愚弟李熙齡頓首拜撰



增修懷遠縣志序

懷遠素無志有之自邑宰蘇公始公蒞任在乾隆之三年維時設縣未久一切規為諸多未備公積意勤求凡諸政治之有益於國計民生者次第舉舉越十年而政成而邑之志亦成夫志者所以志地志人志事志言而昭示來茲者也使有邑而無志則凡邑中之宜志者久且湮沒而不傳懷邑受撥鄰封則志地難居民鮮少則志人難文獻無徵則志事志言尤難而蘇公則一一志之卷帙不繁瞭如指掌其間或叙或斷非才大心細不及此此可以徵其經濟即可以覘其學術矣道光戊戌勳承乏來斯取是編而閱之字跡漶漫因議重刊復就見聞所及與夫案牘之可稽者考核增入或參載於本門之中或附按於諸條之後非敢謂補其缺拾其

懷遠縣志

卷一

二

遺也特以蘇公創為是書當時惨淡經營神思殆勞且瘁矣若任其漫滅而不加修纂則作與不作等不且有負蘇公創始之美意乎勳之才識不逮蘇公遠甚而忝居後任竊比之願固不能自己也爰不揣鄙陋續纂成編後之同志者更能遍加訪採續記而增修之斯微特蘇公之幸抑亦懷邑之幸也夫

省

道光二十二年歲次壬寅仲春知縣何炳勳書於懷陽官署之舞鴻堂

原敘

懷遠昔之屯衛雍正九年改縣屬榆林窮陬沙漠地瘠民貧莅茲
土者非徒因陋就簡以奉行故事已也凡開闢草萊之始必有時
日俱新之事城郭宮室衣冠文物人情心術所關勸翼振奮歲月
經營熙熙蒸蒸夫豈俗吏粉飾太平可助長而呈效於旦夕哉今
蘇君宰是邑有年矣宜其蒞任久而政有成也余奉

命來掄於屬吏進見採訪風俗地方民事殷殷致詢深欲得切心
受民始終不倦者庶幾無忝厥職適蘇君列所行之事輯之為誌
以畱余余留玩之因綜其要詳其目以為一人之志千萬人之志
也一日之志後人誦而懷懷而遠為傳之志也蘇君其真留心民
瘼者歟懷遠之名其殆顧名而思義歟斯誌也政治之資亦國史

懷遠縣志

卷一

三

之徵謂作史之才即作史之才其亦可也况苟能靖共盡瘁大展
所長以不負所學其與昔之循良卓然可紀者何多讓焉文詞之
藻繪抑未焉已爾余於蘇君有厚望焉乾隆丁卯年穀旦

整飭陝西榆葭等處分巡道布政使司參議加二級紀錄八次禮
山五峯氏撰

原敘

邑宰荷養教之任值貧且陋之地為難貧陋而值荒徼險僻華夷
雜揉者為尤難蓋磽确則墾闢無可施鄙儂則紘誦無由導况又
自昔交馳侵突終爭殘毀之餘思欲枕安強教之可易能乎懷遠
係北地邊塞即漢代固陰白土之區自唐築三受降城拓土且極
套外則茲固中夏寧寓泊宋初為西夏攘據蹂躪殆無虛日至明
代宣德以後套寇屢恣剽掠由是撫臣余子俊起東勝興築邊牆
迤西南餘亘三千里攔截中外此懷之五堡所由立也今我
朝混一寰海異域靡不祇屬邊外四十九部皆雨滋而雲覆之塞
垣雖設民日嬉娛恬適嚙濡浸潤於海涵地自之中即荒遠固將
為樂土矣邑自雍正九年因衛改設而蘇君莅任撫宇獨十年於

懷遠縣志

卷一

四

茲民之瘠者哺之情者策之其推魯黜識者牖迪獎勸之民既蔚
然改觀凡當創肇修復日次第具舉而遂以其暇攷遺蹟闡山川
詳土物表其孝秀貞懿之實俾人人知所慕向繼乃編而輯之則
懷之新志榮乎文采可觀蘇君用心茲邑其勤且摯乎哉乾隆十
年余長子治運

簡畀榆郡懷為榆屬數接蘇君為余言懷之政理幸為時望因得
具悉嘉績余思因地制宜則懷之養教尤難以尤難者而果竭力
盡誠其仰副

聖天子仁覆之化舉在是已蘇君為今時循吏無疑也爰書其畧
并諸簡端乾隆丁卯重九舊史氏吳江李重華

原敘

志者史之所從出也昔漢當焚棄之餘高帝入關鄴侯收秦府圖籍得知天下戶口扼塞然後叔孫董賈諸人從而斧藻之漢代文治聿追成周豈非文獻之可徵乎余丁亥奉

命協鎮中路撫茲沙漠極目荒涼兼之民貧兵困饑饉游臻私心惻念曰邊地之苦一至於此哉閱明年戊午蘇君來宰是邑復經己未庚申連年荒歉民益貧兵益困岌岌乎幾不可支幸為之宰者實心實政既恤民艱兼籌兵食請借賑救急拯危招撫流亡多方接濟而且積粟建倉興學養士釐奸剔弊鋤莠育良閱三年而政成又閱三年而頌聲作於是薄書之暇問俗彌慙採風愈切而縣志觀成矣夫以荒涼之宇置新闢之區文獻無徵薦紳寥落懷遠縣志

卷一

五

一讀斯志而考歲時代臘稽禮俗貞淫推戶口之盛衰權國賦之盈縮舉凡冠婚喪祭之儉奢好尚忠孝節義之闡幽發微以迄山川名勝城市壇祠武庫倉庾沿革損益一一如繪圖而出灼若觀星以資政府之取攜而典則不遠以勳

國家之文獻足徵是書也可謂約而該簡而備矣余武夫也不知文惟日親蘇君之治行復獲讀蘇君之縣志洵所謂以經術飭吏道者歟今而後太史陳風懷邑雖草昧肇開者乎而文物典章已燦然有聞于世是役也以宰天下也可謹序

昔乾隆十有二年歲在丁卯初秋之吉

賜進士第延綏中協波羅等處副總兵官白山武爾敦撰

原敘

懷治昔之邊衛也時簡閱峙畷糧積習然矣一旦易戎馬而簿書之山川土田何以使釐然而不舛物序人風何以使臚列而不紊疆界封域桑麻學校何以使燦如指掌明若觀星是懷之志視他邑為倍急也惟是經始之際文獻闕如間有舊跡軼事亦復前無所徵後無所考官斯土者而欲條分縷析志今傳後不又戛戛乎難哉邑侯蘇公以嶺右名進士宰茲新設之區念土地之瘠磽撫人民之凋敝欲移易夫奮武之俗薰陶於揆文之化撫卹經畫休養生息者若而年櫛風沐雨型方訓俗者若而年未幾而治化成未幾而頌聲作爰出數年間之臨民出政目擊身親者筆之於書而縣志觀厥成焉讀其書圖譜之周詳也疆域之燦列也山川名

懷遠縣志

卷一

六

勝之暮布風俗氣候之按節也其侯之撫卹經畫者乎賦稅之釐定也徵收之便簡也樹藝種植之時宜物產市易之區別也其侯之休養生息者乎祀事城堡之建置人物選舉之詳悉也其侯之櫛風沐雨型方訓俗者乎然則侯之所以為志即侯之所以為治者乎侯之所以為治即侯之所以為學也其侯之食之而教誨之而漸摩而仁壽之士譽髦而民徧德將鄒魯弦歌歧陽鐘鼓何多讓焉愚故不以懷之有志為懷喜而以懷之得侯為懷喜也亦不以制度文章為一時之懷喜而以人心風俗為千百世之懷喜也愚籍鄒塢去懷治雖十有餘里而耳食其德政者久之歲在丁卯仲兄元臣司訓是邑於置郵間又得讀侯之志益悉其學術治畧非近世補苴所可擬也爰不揣固陋而為之言非

敢云叙也

乾隆丁卯仲秋上浣穀旦

賜同進士出身前翰林院庶吉士鄱縣張元龍子飛氏頓首拜撰

懷遠縣志

卷一

七

原敘

志者記事之書抑亦政治之本也先王之政紀其山川辨其疆域
程其土宜稽其俗尚肆其物采而後宜因宜革宜興宜除隨其時
而通變之順其俗而化道之以救其失以防其漸以養以恬措則
正施則行自臻上理焉懷遠新設郡縣向無舊志前為營衛雖有
延綏鎮志又以僻處而不詳戊午春炤視事於斯詢其山川疆域
則闕梁形勝無足徵問其土俗民情則美惡剛柔無可辨稽其土
田稅賦攷其士習文風則沿革盈縮無所憑興廢污隆無所據縱
有體國經野振作董率之心惟有束手無措耳說者謂邊郵為用
武之地僅可刑威著績而難以詩書禮樂之治治之也庸詎知我
國家聲教四訖無遠弗届一道同風之化豈以邊徼而或異况既
懷遠縣志

卷一


八

改營衛之戎馬而設縣尹之琴堂則

盛世之規模已為之頓易民間之耳目亦為之一新蒞茲土者正
宜乘時潤色以宣上德以達下情多方生聚教訓以期躋於醇龐
又胡可以武健逞也不獲已而訪鄉曲之逸事採耆老之遺聞併
以耳目之所及者隨時隨事敬謹筆之於帙置之案頭原以為一
身出政臨民準則豈敢云作志哉幸比年以來山川疆域之遠邇
險易畫然矣土俗民情漸知從忠革薄矣土田稅賦由荒而闢自
逋而清矣士習文風胥知崇實去浮勵廉隅而尚絃誦矣探風問
俗者每以縣志未修少之以炤空疎無據又以一行作吏筆墨荒
疎豈敢云作志哉爰述數年中採訪所獲編纂成篇以俟高明之
潤色云爾

省

乾隆十二年歲在丁卯仲秋中浣之吉知縣蘇其炤書於懷陽官署之無逸堂



蘇其炤

書

九

懷遠縣志原例

一懷邑僻處沙漠文獻無徵是編止就目前聞見之關於吏治民風者載之間有採諸延鎮志者亦不嫌於襲新志載輯一仍其舊有採自有志郡志者悉於本門增之

一凡志以傳信而不傳疑名官無實行可據者不書人物湮沒無確傳者不書現存者輿論未定不書新志名宦人物續有增入者皆採自明史通志郡志用補舊編所未備

一凡志書法有直記其事不參論說者有中間逐節直叙或首或尾另加評論者有逐節直叙間有一二條加以評論者是編獨每項輯成一篇而以議論行於記叙之中非好異而變例也總期卷帙不繁使覽者言之瞭然耳新志凡今昔異制有應續

懷遠縣志

卷一

纂者各於每編內增入不敢變舊例也

一是編首先天文者以天險之不可升也歲時為天運之迭更氣候為人道之變遷故次之天有分星則地有分野故次地理城堡所以守疆國建置為國事所關建置既定治民人者先其神故又次之是為第一卷由是而賦役而徵收而稅課急公以盡終事之義催科亦可寓撫字之仁又次之民先本務後逐末故次種植又次物產市集既富方穀而風俗之原鍾於名勝又次之是為第二卷官以長民師以睦俗人物於是乎出而選舉為鼓舞人材之典故次之爰記其事則安危興廢有所考兵以衛民也郵以傳命也至邊外蒙古又為內地民人耕種牛糞之所均不可廢故又次之是為第三卷凡二十四篇按舊志山川

附於地理今續有採入故別為一門封圻為守土者所宜周知
故增以疆域祠祀以事神寺觀實靈爽所憑故附於其下井里
為保息所關治民尤不可畧故以鄉村次於祠祀歷任官師悉
已按牘纂入其前明軍官及

國朝差員無案可稽而碑碣鼎鍾有著其職名者俱以之補載名
宦封錫恩蔭闡揚攸繫故於選舉後增之原卷凡三篇凡二十
四新志編帙較多故分為四卷凡三十篇

懷遠縣志目錄

粵西鬱林蘇其紹燮堂氏撰次
浙江山陰何丙勳保如氏重編

卷之一

圖譜

天文

歲時

氣候

地理

山川

疆域

城堡

建置

祠祀

附寺

鄉村

梁

附橋

附橋

附橋

附橋

附橋

附橋

附橋

附橋

附橋

附橋

附橋

卷之二

賦役

徵收

稅課

種植

物產

市集

名勝

風俗

卷之三

懷遠縣志

官師

卷一

卷之四

人物

選舉

名宦

封錫

恩廕

紀事

兵制

郵驛

邊外

蒙古

懷遠縣志卷之一

圖譜

古書推步占驗皆以井鬼二宿為秦地分野懷之於秦不過百中之一而亦以二宿圖之其說似近於衍然不敢因其衍遂廢天文不志也但姑存之以備攷証若夫封邑之疆界里甲之坐落建置之沿革中外之形勝則顯而易見者詳其說僅得之懸擬披圖而稽瞭若觀星此又體國經野之所不可缺焉


按分星箕尾及山川水道邊口伏盤尤為觀政者之所資不可以不志也故增繪之

懷遠縣志


卷一

二

東井圖





輿鬼圖



○天記

尾箕圖



懷遠縣

懷遠縣志

地圖

卷一

四

